



## HE PUKAPUKA POUAKO

# Te Hauora



### KAUPAE 1

92058 | Te tautohu i ngā āhuatanga matua o te kaitiakitanga me te hononga ki te oranga  
(Ngā Whiwhinga: E 5)


Te Rā Tuku Aromatawai ā-Waho: Te Wāhanga 4 – Te 29 o Oketopa, 2025.

# NZQA

Mana Tohu Mātauranga o Aotearoa  
New Zealand Qualifications Authority

# Te Whārangi Ihirangi

<b>He Kete Manarua</b> .....	<b>2</b>
<b>Te Tūmahi Aromatawai ā-Waho</b> .....	<b>4</b>
Te Kaitiakitanga .....	4
Kaiako Mā .....	4
Ngā Rauemi .....	4
Ngā Tohutohu .....	5
Te Horopaki .....	5
<b>Te Paerewa Paetae</b> .....	<b>9</b>
<b>Te Tautuhinga Aromatawai ā-Waho</b> .....	<b>13</b>
Te Whakatakotoranga Aromatawai ā-Waho .....	13
Ngā Herenga Aromatawai ā-Waho .....	14
Te Motuhēhē o ngā mahi o ngā ākongā .....	15
<b>He Mahere Aromatawai ā-Waho</b> .....	<b>16</b>



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuatanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.



# Te Hauora

92058 Te tautohu i ngā āhuatanga matua o te kaitiakitanga  
me te hononga ki te oranga

(Te Kaupae 1, Ngā Whiwhinga: E 5)


Kairangi	Kaiaka	Paetae
Ka whakamārama i ngā āhuatanga matua o te kaitiakitanga me te hononga ki te oranga.	Ka whakaahua i ngā āhuatanga matua o te kaitiakitanga me te hononga ki te oranga.	Ka tautohu i ngā āhuatanga matua o te kaitiakitanga me te hononga ki te oranga.

# Te Tūmahi Aromatawai ā-Waho

He taura te Tūmahi Aromatawai ā-waho e whai ake nei hei kōwhiringa mā te Pouako. Ka whakamahia rānei, ka whakarite Tūmahi Aromatawai ā-Waho anō rānei, kei te Pouako te tikanga.

## Te Kaitiakitanga

Ko ngā āhuetanga o te āta tiaki i te taiao me ōna rawa, tae noa atu ki ngā taonga tuku iho, i runga anō i te tirohanga Māori.



*Ko te whare tapawhā tētahi o ngā tino anga whakahirahira mō te oranga o te tangata. Ki te mau i te rangatahi te hiranga o te whare tapawhā, pēnei i te taha wairua, i te taha hinengaro, i te taha tinana me te taha whānau, ka ora te rangatahi i tēnei ao.*

## Kaiako Mā

I te tīmatanga o ngā mahi, me whakamārama ngā wāhanga katoa o te whare tapawhā. He nui ngā kōrero me ngā rangahau mō ngā mātāpono nei.

- Te taha hinengaro
- Te taha wairua
- Te taha whānau
- Te taha tinana

Mā ngā ākonga e whakamahere tā rātou ake hōtaka whare tapawhā. Kei a rātou te tikanga mō te taha ki ngā rautaki e nui ake ai ngā hua pai ki a rātou. Tukuna te rākau ki a rātou, ki te rangatahi. Ko tā te kaiako he arataki i a rātou e ū ai rātou ki te kaupapa nei.

## Ngā Rauemi

<https://www.health.govt.nz/our-work/populations/maori-health/maori-health-models/maori-health-models-te-whare-tapa-wha>

<https://mentalhealth.org.nz/te-whare-tapa-wha>

[https://www.youtube.com/results?search\\_query=whare+tapawha](https://www.youtube.com/results?search_query=whare+tapawha)

## Ngā Tohutohu

E rima ngā wāhanga o tēnei mahi.

### Hei Tauira

Ko tā te ākonga he whakarite i tētahi kōpaki kaitiakitanga, ka whakarite ai i tētahi mahi ki ia wāhanga o te whare tapa whā hei tauira:

1. ki te taha tinana,
2. ki te taha hinengaro,
3. ki te taha wairua, me
4. te taha whānau.
5. Kia mutu tēnā, me whakatepe ki tētahi whakakapinga e tuituia ai te whare tapawhā ki te kaitiakitanga.

He kohinga mahi tēnei. Kei te ākonga te tikanga mō te taha ki te āhua o te kōpaki nei. Hei tauira, he kōpaki whaiaro, he tuinga, he rangahau, he kōrero ā-waha, he whakaaturanga, he aha atu rānei.

Ehara i te mea me roa ia wāhanga o te whare tapawhā. Ko te mea nui e mārama ana te ākonga ki te hiranga nui o te whare tapawhā, ki te āhua hoki o te whakatinana i ēnei wāhanga o te whare tapawhā.

## Te Horopaki

He nui ngā taumahatanga kei runga i ā tātou rangatahi. Kei te whāia e rātou ngā kaupapa e hia nei i te kura, i waho hoki o te kura, pēnei i te kapa haka, i ngā mahi ā-rēhia, i ngā tūmomo hākinakina, ko ngā whakatipuranga ki te kāinga, me te ao o te hangarau anō hoki. Koinei ētahi o ngā taumahatanga o te ao o te rangatahi. Me pēhea tā tātou whakaako kia whakatauritetia ai ngā kaupapa maha, e wātea ai te taha hinengaro, te taha tinana, te taha wairua me te taha whānau hoki. Ki te ākona ēnei rautaki i a rātou e rangatahi ana, ko te manako ka pūmau ēnei rautaki i te wā ka pakeke ake rātou.



## TE TAHA TINANA - Te Waihanga Kiriata Whakapakari



Waihangatia tētahi kiriata whakapakari, ā, kia kaua e neke atu i te 1 meneti te roa. Waihangatia rānei tētahi mahere whakapakari. Kei a koe te tikanga mehemea he hōtaka whakapakari rānei, he hīkoi rānei ki te ngahere, he tākaro hākinakina rānei, he mahere kai rānei, he aha atu rānei.

Whāia tō mahere whakapakari mō te wiki, mō ngā wiki e rua rānei, kātahi ka tuhia ngā painga, ngā ngoikoretanga, me ngā hua o te whakapakari tinana.

### Hei mahi

- He kiriata whakapakari, kia 1 meneti te roa
- He whai i tō mahere whakapakari
- He pūrongo: Ngā painga, ngā ngoikoretanga, me ngā hua o te whakapakari tinana

Anei ētahi mahi whakapakari hei āwhina i a koutou:

- He hīkoi
- He oma
- He haere ki te whare whakapakari tinana
- He whakapakari ki tō kura
- He kanikani
- He tākaro hākinakina
- He tīpako i ētahi āhua whātorotoro

## TE TAHA HINENGARO - He Mahere



Te mauri tau - he aha ētahi mahi e mauri tau ai te rangatahi? Ko tāu mahi he kohikohi i ētahi whakaaro, i ētahi taunakitanga rānei, ka tuhia mai ai, ka whakaatuhia mai ai rānei i tō mahere e tau ai te hinengaro, e mauri tau ai hoki koe.

Whāia tāu mahere mauri tau mō te wiki, ka kōrero ai i ngā hua pai o te mahi nei.

### Hei mahi

Whakaaturia mai ō rautaki e tau ai te hinengaro.

Anei ētahi mahi whakapakari hei āwhina i a koutou:

- Te haere ki te taiao, ki te ngahere, ki te roto, ki te moana, ki te pāmu, ki tētahi wāhi e tau ai te hinengaro
- He pukapuka pito korero
- He whakarongo ki ētahi waiata
- He moe
- He whakatau i te mauri
- He tuku karakia, he hīmene

## TE TAHA WAIRUA



E whakapono ana tātou ki te tau te wairua o tētahi, ka noho haumarū, ka noho harikoa tātou i tēnei ao.

E pēhea ana te wairua o tō akomanga? E pēhea ana te wairua i waenganui i ō hoa? He aha ētahi rautaki e tau ai te wairua i tō akomanga, i waenganui rānei i ō hoa? Hei tauira, ko te tākaro kēmu whakahihiko i te hinengaro i ngā ata, ko te whakatau i te wairua o te akomanga. Tērā pea ka kai tahi koutou e tau ai te wairua, ka tuku mihi rānei, ka kōrero pai rānei ki tētahi e tau ai tōna wairua. Whakamahia ētahi rautaki whakatau wairua.

Ko tāu mahi he kimi i ētahi rautaki e tau ai te wairua o tētahi tangata, o tō akomanga rānei, o ōu hoa rānei.

Anei ētahi mahi whakapakari hei āwhina i a koutou:

- He tuku mihi, he kōrero pai ki tētahi e tau ai tōna wairua
- He tākaro kēmu e tau ai te wairua
- He haere ki te whakarākei e tau ai te wairua
- He hui tahi ki ō hoa e tau ai tō wairua

### Hei Mahi


Anei ētahi mea e tau ai te wairua o ētahi atu. He aha ētahi āhuetanga whakatau wairua ki a koe? Whakamaheretia mai ētahi rautaki, ka mutu, whāia tō mahere mō te wiki kotahi.

## TE TAHA WHĀNAU - Te Whakaemi Whakaahua



Ko te whakawhanaunga, ko te whakangahau ki te taha o ō hoa, ko te haere ki ngā huihuinga marae, ko ngā rā whānau hoki, ko te noho tahi rānei, ko te kai tahi rānei.

## TE KAITIAKITANGA - Tuia ki te whenua



Tuituia katoatia ngā āhuetanga o te whare tapawhā me te kaitiakitanga e hāngai ana ki tō tiaki i a koe anō.

**MĀTĀPUNA**

Cover: McDaniels, W. (n.d.). Plants at the beach [Photograph]. Adobe Stock. <https://stock.adobe.com/nz/images/plants-at-the-beach/161637551>

Stopka, J. Run silhouettes [Stock image]. Adobe Stock. <https://stock.adobe.com/>

Mello, J. (2021, July 28). Transference psychology in Jungian analysis. Counseling in Zurich. <https://counselinginzurich.com/transference-psychology-jungian-analysis/>

Rawpixel). Silhouette 2D graphic of people meditation PNG cut-out element set [Stock image]. Adobe Stock. <https://stock.adobe.com/>

NikahGeh. Silhouette happy family black color only full body [Stock image]. Adobe Stock. <https://stock.adobe.com/>

HEI TAUIRA



# Te Paerewa Paetae

**Tau** AS92058      **Putanga** 2      **Whārangi** 1 o te 4

## Paerewa Paetae

**Aronga** Hauora 1.3

**Ingoa** Te tautohu i ngā āhuatanga matua o te kaitiakitanga me te hononga ki te ora

**Kaupae** 1      **Whiwhinga** 5      **Aromatawai** Ā-waho

**Marau akoranga** Te Marautanga o Aotearoa

**Kokonga akoranga** Hauora – Wāhanga Ako

**Mana rēhita** Kua rēhitatia      **Te rā i mana ai** Hakihea 2023

**Te rā e arotakengia ai** Hakihea 2028      **Te rā i puta ai** Hakihea 2023

## Te Whāinga

Ko te whāinga o tēnei paerewa paetae he tautohu i ngā āhuatanga matua o te kaitiakitanga me te hononga ki te ora.

## Paearu Paetae

<b>Paetae</b>	Hei tohu i te paetae: <ul style="list-style-type: none"> <li>Ka tautohu i ngā āhuatanga matua o te kaitiakitanga me te hononga ki te ora.</li> </ul>
<b>Kaiaka</b>	Hei tohu i te kaiaka: <ul style="list-style-type: none"> <li>Ka whakaahua i ngā āhuatanga matua o te kaitiakitanga me te hononga ki te ora.</li> </ul>
<b>Kairangi</b>	Hei tohu i te kairangi: <ul style="list-style-type: none"> <li>Ka whakamārama i ngā āhuatanga matua o te kaitiakitanga me te hononga ki te ora.</li> </ul>

## Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Hauora kei: <https://ncea.education.govt.nz>.

*Whāinga Paetae*

*Taiao, Hononga ki a Ranginui rāua ko Papatūānuku*

1. Ka arotake i te whaihua o ngā mahi me ngā tikanga a tētahi rōpū kaitiaki Taiao.

*Taiao, Hononga ki ētahi atu Taiao*

2. Ka tūhura i te mahi me ngā tikanga whaihua o te rohe, o te motu hei whakatairanga i te noho ora o te tangata me te noho haumaruru i roto i ngā taiao.

*Tangata, Huatau o te Whanaungatanga*

3. Ka whakaatu i tōna mārama ki ngā āhuetanga e puta ai te tuakiri whaiaro o te tangata, kia taea ai te whakanui i tōna tū motuhake me te tiaki i tōna oranga wairua, oranga hinengaro, oranga tinana.

2 E whai ake nei ngā whakamārama mō ngā paearu paetae:

*Ka tautohu i ngā āhuetanga matua o te kaitiakitanga me te hononga ki te oranga:*

- Ka whiriwhiri, ka whakaputa whakaaro ki ngā āhuetanga matua o te kaitiakitanga.
- Ka tautohu i te hononga o te kaitiakitanga ki te oranga.
- Ka taunakitia ngā whakaaro.

*Ka whakaahua i ngā āhuetanga matua o te kaitiakitanga me te hononga ki te oranga:*

- Ka whakaputa whakaaro huritao ki ngā āhuetanga matua o te kaitiakitanga.
- Ka whakaahua i te hononga o te kaitiakitanga ki te oranga.
- Ka āta taunakitia ngā whakaaro.
- Ka āta kōrerohia ngā taipitopito.

*Ka whakamārama i ngā āhuetanga matua o te kaitiakitanga me te hononga ki te oranga:*

- Ka whakatau i ngā tino āhuetanga matua o te kaitiakitanga.
- Ka whakamārama i te hononga o te kaitiakitanga ki te oranga.
- Ka āta taunakitia ngā whakaaro ki ngā kōrero tautoko huhua.
- Ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>kaitiakitanga</i>	Ko ngā āhuetanga o te āta tiaki i te taiao me ōna rawa, tae noa ki ngā taonga tuku iho, i runga anō i te tirohanga Māori.
----------------------	---

<i>ngā āhuatanga matua o te kaitiakitanga</i>	<p>Koia nei ētahi:</p> <ul style="list-style-type: none"> <li>• te mauri me te tapu</li> <li>• te āhua me ngā tikanga o te kaitiakitanga o mua, o nāianeī hoki</li> <li>• Ko wai ngā kaitiaki? E tiaki ana i te aha?</li> <li>• te mana whenua, te ahi kā</li> <li>• te mana whakaheke, te mana tūpuna</li> <li>• te whakapapa</li> <li>• ngā rāhui</li> <li>• ngā ture o nāianeī, pēnei i Te Ture Whakahaere Rawa.</li> </ul>
<i>te hononga ki te oranga</i>	<p>Koia nei ētahi:</p> <ul style="list-style-type: none"> <li>• te pānga ki te mana, ki te kawenga o te whānau, o te hapū, o te iwi ko rātou ngā kaitiaki</li> <li>• te whakaora ake i te kaitiakitanga hei tikanga tuku iho</li> <li>• te pupuri ki ngā tikanga tuku iho a te iwi, a te hapū, a te whānau</li> <li>• te pānga ki te mauri o te whenua, o te taiao</li> <li>• te pānga ki ngā uri whakaheke.</li> </ul>
<i>whakatau</i>	<p>Ka kōwhiria te whakatatūnga o ngā āhuatanga e aronuitia ana, waihoki, ka kitea te āta huritao.</p>

4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

5 Kuputaka

mana tūpuna	<i>power through descent</i>
mana whakaheke	<i>inherited status, mana through descent</i>
Te Ture Whakahaere Rawa	<i>Resource Management Act</i>
uri whakaheke	<i>descendant</i>

## Kōrero Whakakapinga

I whakakapingia ngā paerewa 91684-91689 e ngā paerewa 92056-92059.

---

## Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233

---

# Te Tautuhinga Aromatawai ā-Waho



Te Paerewa Paetae	92058
Te Ingoa o te Paerewa Paetae	Te tautohu i ngā āhuetanga matua o te kaitiakitanga me te hononga ki te oranga
Ngā whiwhinga	E 5
Te Marau	Te Marautanga o Aotearoa: <a href="#">Hauora</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Te Momo Tāpaetanga ā-Matihiko	He konae tuhituhi-.PDF (5–20 whārangi) He kiriata-.mp4   .avi   .mov   .m4v (<5GB)
Te Rā Tuku Aromatawai ā-Waho	Te Wāhanga 4 – Te 29 o Oketopa, 2025.
Ngā Wātaka Aromatawai ā-Waho	<a href="#">1. Te Wātaka Whakamātautau 2025</a> <a href="#">2. Te Wātaka Aromatawai ā-Waho 2025</a>

## Te Whakatakotoranga Aromatawai ā-Waho

Ka whakaatu te ākonga i tōna mārama ki te tiaki i tētahi taonga tuku iho a tōna whānau rānei, a tōna hapū rānei, a tōna iwi rānei. Ka taunaki te ākonga i ngā kōrero tuku iho e pā ana ki te taonga, ki ngā āhuetanga matua o te kaitiakitanga me ngā hononga ki te oranga.

E whai ake nei ētahi tauira o ngā āhuetanga hei kōrero mā te ākonga.

### Te Kaitiakitanga:

He tirohanga Māori te kaitiakitanga ki ngā āhuetanga o te āta tiaki i te taiao me ōna rawa, tae noa atu ki ngā taonga tuku iho. Ko ngā āhuetanga matua o te kaitiakitanga;

- ko te mauri me te tapu
- ko te āhua/tikanga o te kaitiakitanga i ngā wā o mua, o nāianei hoki
- ko ngā kaitiaki me ngā mea e tiakina ana e rātou
- ko te mana whenua me te ahi kā
- ko te mana whakaheke/mana tūpuna
- ko te whakapapa
- ko te rāhui
- ko ngā ture o nāianei, pēnei i te Ture Whakahaere Rawa.

### Te hononga ki te oranga:

- ko ngā pānga ki te mana, ki ngā kawenga hoki a te whānau, a te iwi hei kaitiaki taonga
- ko te whakaora ake i ngā āhuatanga matua o te kaitiakitanga hei tikanga tuku iho
- ko te pupuri i ngā tikanga tuku iho a te whānau, a te hapū, a te iwi hoki
- ko ngā pānga ki te mauri o te whenua me te taiao
- ko ngā pānga ki ngā uri whakaheke.

Ka whakaemi te ākongā i ngā mahi katoa, ka whakaraupapa ai hei taunakitanga mō te Kete Manarua.

Anei ngā momo taunakitanga hei rau atu ki te Kete Manarua.

Mā te ākongā tētahi, ētahi rānei e kōwhiri hei taunaki i āna mahi:

Tētahi kiriata me tētahi whakamārama	Me neke atu i te 2 meneti te roa o te kiriata, me neke atu hoki i te 300 kupu te roa o te whakamārama.
Tētahi kiriata	Me neke atu i te 2 meneti te roa
Tētahi kōrero ā-waha	Me neke atu i te 2 meneti te roa
Tētahi ata me tētahi hopukanga reo	Me neke atu i te 2 meneti te roa
Tētahi tuhinga	Me 300, me neke atu rānei, te nui o ngā kupu
Tētahi uiuinga	Me neke atu i te 2 meneti te roa
Tētahi whakaaturanga	Me neke atu i te 2 meneti te roa

Tēnā tirohia te Kete Manarua i te paetukutuku nei - [He Kete Manarua.](#)

E whakaatu ana te Kete Manarua i t/ētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia te/ngā tauira nei, ka whakamahia rānei he mahi whakaharatau, ka whakaritea rānei he Tūmahi Aromatawai anō.

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)



## Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

### Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.service.centre@nzqa.govt.nz](mailto:assessment.service.centre@nzqa.govt.nz),
- waeahia rānei te NZQA Contact Centre i te 0800 687 296.

# He Mahere Aromatawai ā-Waho

**Hauora 92058:** Te tautohu i ngā āhuratanga matua o te kaitiakitanga me tehononga ki te oranga

Kairangi	Kaiaka	Paetae
Ka whakamārama i ngā āhuratanga matua o te kaitiakitanga me te hononga ki te oranga.	Ka whakaahua i ngā āhuratanga matua o te kaitiakitanga me te hononga ki te oranga	Ka tautohu i ngā āhuratanga matua o te kaitiakitanga me te hononga ki te oranga.

## Te Taunaki i te Aromatawai ā-Waho

Kairangi	Kaiaka	Paetae
<ul style="list-style-type: none"> <li>• Ka whakatau he aha ngā tino āhuratanga matua o tētahi kaupapa motuhake.</li> <li>• Ka whakamārama i te hononga o te kaupapa ki te oranga o tōna iwi.</li> <li>• Ka taunakitia ngā kōrero.</li> <li>• Ka mutu ka āta kōrerohia ngā taipitopito me ngā take i pērā ai te whakaaro.</li> </ul>	<ul style="list-style-type: none"> <li>• Ka whiriwhiri, ka whakaaro ki ngā momo āhuratanga matua o tētahi kaupapa motuhake.</li> <li>• Ka whakaahua i te hononga o te kaupapa ki te oranga o tōna iwi.</li> <li>• Ka taunakitia ngā kōrero.</li> <li>• Ka mutu ka āta kōrerohia ngā taipitopito.</li> </ul>	<ul style="list-style-type: none"> <li>• Ka whiriwhiri, ka whakaaro ki ngā momo āhuratanga matua o tētahi kaupapa motuhake.</li> <li>• Ka tautohu i te hononga o te kaupapa ki te oranga o tōna iwi.</li> <li>• Ka taunakitia ngā kōrero.</li> </ul>